

## Titiraqviyuuyaq Atia

Havaqatigiingniq Ikayuutiqhaannut Inuktut Ilinniarnikkut Nunavunmi

## Piyaunia Piumaliqhaut

Anggirut taapkunani Kanatap Kavamait Nunavut Kavamanga Nunavut Tunngavikkutlu hakugiqhinaqtaait ilinniarniq Inuktut uqauhiitigut tamaani Nunavut.

## Tweet

#GoC, @GOVofNUNAVUT @NTunngavikkutlu havaqatigiiktut tammaqtaiplugu hakugiqhinaqhugulu #Inuktut #Nunavunmi: #IndigenousLanguages #Inuktitut

## Ministap Atia(t)

Maligaliuqti Steven Guilbeault

## Havagviit/Katimaviit

Kanatian Iilitquhiptigut

## Kanatami Nunait Avikturviit

Canada

## Titiraqviyuuyaq Titirat

IQALUIT, March 9, 2021

Inuit ihuaqtumik pivikhaqaqtut utiqtiriama, atuliqtiffaangnahuaqlugu, hakugingniqhaqlugit pihimaaqlugitlu uqauhinggit.

Kanatap Kavamanga, Nunavut Kavamanga Nunavut Tunngavikkutlu tun'ngahuktitaat sainsiutaa titiraqhimayuq kangiqhidjut ikayuutiqhaanik hakugiqhiliqlugu Inuktut uqauhiat ilinniaqlutiklu tamaani Nunavut ublumi. Kanatap Kavamanga uqagiiyaffaaqtaat hivuni havaangniaqtaat pivikhaqaqtittitutik \$42 miliantaalamik talimani ukiuni ikayuutiqhaanik haffuma anggirut. Ilaliutiliklu an'ngiyuamik aittuuta una maniqhaaqhaq piniaktuq, aadlanik maniqhaaqhanik avatkungnaqhiyuq \$12.3 miliantaalamik haffuma miqhaatigut pihimayuq talvanga Nunavunmi Atuliqtittinirmut Naalaktiit Nakataq 23 manngit, ikayuqlugit tamaita Kavamatkut aqhuugutait piqariami kivraqtuiviqhanik Inuinnangniq havagviinni Nunavunmi.

Nunavut Kavamanga amigaiquyuummingniaqtaait Inuit ilihaiyiqhanik talvuuna ilihaqlutik Nunavut Ilihariaqpaalirvianni Nunavut Ilihaiyit Ilihagutainnik nunallaani tamaani nunaptingni aulaqtiqlutik 2021 mi 22 mut.

Una anggirut niriugiyaat imaa:

- Amigaiquyuummiklugit pittaalaqiyaaami Inuktut uqauhitigut ilihaudjunmik Nunavunmi;
- Amigaiquyuummiklugit pihimaaqlugit nampait ayuittunut Inuktut uqaqtaaqtuunik Inuit ilihaiyit Nunavunmi;
- Amigaiquyuummiklugit nampait uqainnaktunik Inuktut Nunavunmi;
- Piliurniqlu ikayuutiqhainnik ilihaiyit;
- Aqhuuqhaiqlugu Inuktut atuliqtiffaangnahuaqlugu Inuitlu pilaagutait pidjutitigut uqauhikkut ilinniarnirmunlu; imaalu

- Ikayuqlugit Uqariuqsatittijit pinahuagutaa nutaaniklu pidjutitqaqlutik Inuktut ilihainirmun Inuit ilihaiyintlu.

Paatnagiiq uvani anggirnmi havangniaqtut tahapkunanut hivuniqhait piliuqlutik havaqatigiingnikkut qanuqtun piyuqhat ihumagiayainnik Inuit hivullitiumayainnik pittiaqlutik, ammaumalutik naunaitiangnaktumiklu.

Havaqatigiingniq atauhiq taamna hivullitilik anggirutini atulitittihimayuq ataani Ilanga 9 haffumani Nunaqqaarhimayut Uqauhiinnut Maligaa, Anggiqtauhimapluni Kuinmit June 2019 mi. Maligaa hivuniqhaa ikayuutilik havakpaktainnik Nunaqqaarhimayut inuutinggit utiqtiriami, atulitiffaangnahuaqlugu, hakugingniqhaqlugit pihimaaqlugitlu uqauhinggit.

## Uqaqtauuyut

“Uqauhiq uummatimut ilitariyaudjutilik uvaptingnut. Naunaiqhunilu ilaudjutiqaangniqaqtuq anggiyuni nunallaani. Nan’ngahuktun’nga piyaami angginiaqtuq Inuktut uqauhikkut hulidjutiqhainnik ilinniarnirmunlu Nunavunmi. Utiqtiffaangnahuaqtillugu, havaqatigiigtuguk pittiaqhuta, ammaumapluta naunaitiangnaktumiklu pipluta hakugingniqhainnut aturnia Inuktun nunaptingni. Pinahuagutigit haffumatut, piyaami ilihaiyit piqariamingniklu ikayuutiqhainnik havaatigit atupagainniklu ihariagiayainnik ilihariamingnik Inuktun hakugingniqhaqlugulu Nunavunmiunut quviagilugu aadlanut piplutik uqauhiliqinirmut ilitquhiit.”

Maligaliuqti Steven Guilbeault, Minista Kanatian Ilitquhiit, Kanatap Kavamainni

“Ublumi tuhaqtipkaidjutaa pidjutiyuq puiguqtailiyaqhamik hivumuuqtilluni tammaqtailiplugu hakugingniqhaqlugulu Inuktut Nunavunmi. Una iniktigiyauyuq uvagut iniktaaqtaptinik havaqatigiigapta, paatnagatigiqhuta, tammaqtailiplugu Inuit uqauhiit pitquhiitlu, ublumi hivunilu piyaqhainnik. Una tuhaqtitaudjut aadlanik tikinnahuagutilik *Nunaqqaarhimayut Uqauhiitigut Maligaa*—an’ngiyuamik iniktigutilik tamapta munariyaqahuta ikayuutiqhainik Nunaqqaarhimayut tammaktailiplugit uqauhinggit. Taitai, una ikayurniaqtuqlu hivuniqhaliuqhimayut talvani Ukiuqtaqtumi Ukiuqtaqtumilu Atugaqhat Havaaqhait tammaktailiplugit hakugiqhinahuaqhgutlu, inuuhirittiaqhutik ilagiiktut nunallaatlu.”

—Maligaliuqti Daniel Vandal, Minista, Ukiuqtaqtumi Kavamaliqidjutainni, Kanatap Kavamainni

“Quviahukpiaqtun’nga havaqatigiingmata kavamavut Nunavut Tunngavikkutlu Kanatap Kavamaitlu talvuuna Nunavut Paatnagiingnirmun Uqauhitigut Ilinniarnikkutlu. Pidjutiyuq tamainni hivuniqhaliuqhutik ihuaqhaqhimayunik piplutik hakugiqittiniaqhunilu atulitiffaaliqlunilu Inuktun nunaptingni. Niriutun’nga amigaittunik pinahuagutinik talvuuna pilutik Nunavut Paatnagiiqatainnut Uqauhikkut Ilinniarnikkutlu imaa piyaami hivuniraalurmuk iniktirilutik nakuuyumik uqauhiqpt.”

—Maligaliuqti Margaret Nakashuk, Minista Pitquhiliqiyitkunni, Nunavut Kavamangani

“Talvuuna katitirinnirmun pinggahunit ilaayuni, piliurniaqtuguk nutaanik kinguniqhavutnit uqauhikkut akimayunik sikuuqviptingnut nunallaaptingnut, amigaiquummiklugitlu iniqarnia ilihagtittiyaami nutaqqavut Inuktut. Quviagiyara una anggirut piviqhaqarnialu pipkaiyaami Nunavut Ilihagutaa inikhaqatittiniaqtuq tikiutiyaami Nunavutim hivuniqhaa taaffuminga uqaqtitaqlutik malruungnik uqauhiinnik uqayuqtunik ilihagviqhainnik.”

—Maligaliuqti David Joanasie, Minista Ilinniaqtuliyiyitkunni Ministalu Munariyaqtuq Nunavut Ilihagpaalirviannut, Nunavut Kavamanga

“Tuhaqtitayuyuq nakuuyunik Inuit ilihagtinut. Amigaiquummiklugit nampait Inuktut uqayuqtunik ilihaiyiqhanik illiturniaqtut niriugiyavut Inuktut uqauhiatigut ilihagttinikkut sikuuqviptingnut.”

—Aluki Kotierk, An’ngiyuqqaq, Nunavut Tunngavikkut

## Qilamik Kangiqhidjutit

<p><a href="#">Maniit Avatqulimaidjutiqaqtut 2019</a> ilaliutilik maniliurnirmun imaa \$333.7 milian hitamani ukiuni, ukiuq tamaat maniit atugaqhaqaqhutik \$115.7 milian talvanga, ikayuutiqhait nunaqqaarhimayut uqauhiinnut nunallaanginnakni havaaqhanut.</p>
<p>Ilinniarniq Nunavunmi munariyait Nunavut Kavamait ataani <i>Ilinniaqtuliriyitkut Maligaa</i> hapkunanilu <i>Inuit Uqauhikkut Tammaqtailinirmun Maligaa</i>, piqaqtittiyuqhaq malruungnik uqayuqtumik uqauhiinni ilihagutiqhahamik Inuktut ihumagilluagiplugu, imaalu Inuit ilihaiyi ilihagutillutik talvuuna Nunavut Ilihaqpaalirvianni.</p> <p>Nunavut Ilihaqpaalirvia piniqaqtut \$34.7 miliantaalamik talimani ukiunut ikayuutiqhainnik pivallianirmut ublumimut ihuaqtauyuqhanik Inuktut ilihagutiqhaata Nunavut Ilihaiyit Ilihaqviqhainnut (NTEP naunaittuq), amigaiquummiklugit ilihagutiqhat NTEP ngat aadlanut nunallaanut Nunavunmi, piviqhaqaqtittilunilu avatingni ikayuutiqhat ilihagutunut.</p>
<p>Nunavut Tunngavikkut ihuaqhaivaktait munariplugitlu Inuit munariyaqhainnik titiraqhimadjutauyut talvani Nunavut Anggirutaani imaalu piyaaqhainniklu piyaami kavamatuqainnit ukiuqtaqtumitlu kavamait ikayuutilutik havaagiyahainnik.</p> <p>Talvanga \$42 miliantaalamit, NTI kut piniqaqtut \$7.3 miliantaalamik talimani ukiuni uqaqtiulutik pivallianirmun nutaanik qilamik angiqliyuummiriami Inuktut ilinniarviqhait piliurlunilu havaaqhanik, ikayuutiqhat ikayuutiqhainik Inuit ilihaiyit hivungani havaktiinnut ilinniaqviliqidjutikkut.</p>

## Atayut Hunavaluit

Atuliqtiffaangnikkut Hakugingniqhaqhugulu Inuktut Nunavunmi	<a href="https://www.canada.ca/en/canadian-heritage/news/2019/09/revitalizing-and-strengthening-inuktut-in-nunavut.html">https://www.canada.ca/en/canadian-heritage/news/2019/09/revitalizing-and-strengthening-inuktut-in-nunavut.html</a>
---	---

## Pidjutilgit Atadjutit

Nunavut Kavamanga	<a href="http://www.gov.nu.ca">www.gov.nu.ca</a>
Nunavut Tunngavikkut	<a href="https://www.tunngavik.com/">https://www.tunngavik.com/</a>
Atautimut Uqaqtait Ministait Guilbeault, Bennett, Miller Vandal lu Puiguqtailiyaqhatigut Nunaqqaarhimayunut Uqauhiitatigut	<a href="https://www.canada.ca/en/canadian-heritage/news/2021/01/joint-statement-by-ministers-guilbeault-bennett-miller-and-vandal-on-the-importance-of-indigenous-languages.html">https://www.canada.ca/en/canadian-heritage/news/2021/01/joint-statement-by-ministers-guilbeault-bennett-miller-and-vandal-on-the-importance-of-indigenous-languages.html</a>
Ukiuqtaqtumi Ukiuqtaqtumilu Atugaqhat Havaaqhait	<a href="https://www.rcaanc-cirnac.gc.ca/eng/1560523306861/1560523330587">https://www.rcaanc-cirnac.gc.ca/eng/1560523306861/1560523330587</a>
Nunaqqaarhimayut Uqauhiit	<a href="https://www.canada.ca/en/services/culture/canadian-identity-society/languages/indigenous.html">https://www.canada.ca/en/services/culture/canadian-identity-society/languages/indigenous.html</a>
<i>Nunaqqaarhimayut Uqauhiit Maligaa</i>	<a href="https://www.parl.ca/DocumentViewer/en/42-1/bill/C-91/royal-assent">https://www.parl.ca/DocumentViewer/en/42-1/bill/C-91/royal-assent</a>

## Uqarvikhatit

Naunaiqhittiarumaguvit, uqarvigidjavat  
(tuhaqtakhainnarnik, uqarvigidjavat:

Camille Gagné-Raynauld  
Tuhaqtitauyuqhanut Titiraqtia  
Havagvia Ministap Pitquhiliqiyitkunni  
[camille.gagne@canada.ca](mailto:camille.gagne@canada.ca)

Qun'ngiaviliqidjutikkut  
Kanatian Ilitquhiptigut  
819-994-9101  
1-866-569-6155  
[pch.media-media.pch@canada.ca](mailto:pch.media-media.pch@canada.ca)

Michael Salomonie  
Atan'nguyaq, Tuhaqtipkaiyini  
Havagviat Pitquhiliqiyitkut  
Nunavut Kavamanga  
867-975-5526  
[msalomonie@gov.nu.ca](mailto:msalomonie@gov.nu.ca)

Troy Rhoades  
Atan'nguyauullaktuq, Tuhaqtipkaiyit  
Ilinniaqtuliriyitkut  
Nunavut Kavamanga  
867-975-5680  
[info.edu@gov.nu.ca](mailto:info.edu@gov.nu.ca)

Malaya Mikijuk  
Aulapkaiyi, Tuhaqtipkaiyit  
Nunavut Tunngavikkut  
867-975-4900  
[MMikijuk@tunngavik.com](mailto:MMikijuk@tunngavik.com)

Mariana Barney  
Atan'nguyaq, Tuhaqtipkaiyuni, Niuviliqinirmun,  
Havaktiqhaqhiurnirmunlu  
Nunavut Ilihaqpaalirvia  
867-979-7242  
[nac.communications@arcticcollege.ca](mailto:nac.communications@arcticcollege.ca)